

各官徵索作弊在京在外為害甚大請先罷後推伊川君壽禮年少狂妄欲遊觀外方以沐浴欺冒受由多率雜人久留不還貽弊各官各驛請罷職近來弊習已成如此之人甚多而宗簿寺全不糾撿故時方推之而摘其尤甚者啓之傳曰義新君伊川君事不推而先罷未可也姑先推之為當○壬辰義禁府以前陽德縣監李枝剛照杖一百告身盡行追奪律宥旨前事入啓依允又以前司諫黃孝恭照斬待時入啓命減死杖一百贖盡奪告身○憲府啓前事不允○慶尚道茶原縣兩雹○癸巳憲府啓前事不允○甲午憲府啓前事不允○夜流星出角星入軫星狀如梨尾長三四尺許色赤○乙未憲府啓前事不允○日暈夜乾巽方有氣如火○慶尚道密陽府兩雹○丙申憲府啓前事不允○夜乾巽方有氣如火○丁酉憲府啓前事不允○戊戌憲府啓前事不允○己亥憲府啓前事不允○庚子憲府啓前事不允○議政府火史臣曰政府乃論道經邦之地而金安老為左相贊制君父竄逐善類登進羣邪稔惡已極宗社幾危至是有災或以為天火之示戒也○以姜顯為黃海道觀察使○京畿觀察使尹殷弼狀啓忠順衛具效慎至誠事毋終始不懈及歿廬墓歡粥三年一不到家前縣監鄭梅臣母